



Kalaallit Nunaanni nappaammik kræftimik akiuiniarfik

Ukiumoortumik nalunaarut 2017



IMARISAI:

AALLAQQAASIUT	3
SIULERSUISUT	4
SIULERSUISUT ATAATSIMIINNERINI OQALUUSERISAT AALAJANGIUSSALLU	4 - 5
NUNA TAMAKKERLUGU KATERSUINIARNEQ	5 - 7
DK-IMI KRÆFTENS BEKÆMPELSE-P ATAATSIMIINNERANI PEQA- TAANEQ	7
UKIUP SINNERANI ATAATSIMIINNERIT	7 - 8
PISIMASUT ALLAT	8 - 9
AVANNAANI OQALOQATIGINNITTARTUNIK PIKKORISSAANEQ	9
IMMIKKOORTORTAQARFIIT	9-10
GRØNLANDSBANKIMIT JUULLIMI TAPISSUT	10
TAPISSUTIT LEGATIT	11
ALLAFFEQARFIMMI SULIAT	12-13
EQIKKAANEQ	13



Aallaqqaasiut

Matumuuna Nuna tamakkerlugu suliniaqatigiiffiup Neriuffiit Kattuffiata 2017-imut ukiumoortumik nalunaarut saqqummiuppaa, nuna tamakkerlugu suliniaqatigiiffiup Neriuffiit Kattuffiata ingerlasimanera aammalu 2017-imi piumassutsimik sulisimaneq qanoq ingerlasimaneq nalunaarutigalugit.

Neriutigaarput ukiuni siuliinisulli ukiumoortumik nalunaarut matumuuna nassiunneqartoq tigulluarneqarumaartoq.

Nuna tamakkerlugu katersuiniarnersuaq KNR-TV aamma Kulturip Illorsua suleqatigalugit maajip arfernani 2017 angusarissaarfiusumik ingerlanneqarpoq, aningaasartuutit ilanngaatigereerlugit 1,2 mio. kr. missaanni iluanaaruteqartoqarluni.

Ukioq siulersuisutigut paarlakaaffiusoq aammalu sulisoqarnermut tunngatillugu unamminartortalik ingerlavoq, siulersuisunilu paasinarsivoq allaffeqarfimmi suliassat nalinginnaasut uninngasullu siulersuisut ilisimatinneqartarsimanerannit annertunerusimasut. Soorlu aamma kukkunersiuisut Deloittekkut nalunaarutaanni amerlasuunik ippinnartunik uparuaasoqarneratigut taanna ersertoq. Taamaattumik siulersuisut katersuiniarnerup nalaani naapillutik ataatsimiinnermini avataaniit ikiortissarsiorniartut aalajangersimapput allaffimmi suliassat torersarnissaannut immikkut sulisumik isumaqatigiissuteqarnikkut.

Neriuffiit Kattuffiata siulittaasua Kræftens Bekæmpelsep aallartitaasa ataatsimeersuarneranni Dk-imi pisumi peqataavoq ulluni 20. aamma 21. maj 2017.

Septemberimi 2017-imi kræfteqarlutik napparsimasunik qanigisaasunillu nammineq piumassutsiminnik oqaloqatiginnittartut pikkorissartinneqarput, taannalu pivoq Tips- aamma Lotto-mit aningaasalerneqarluni.

Ukiumoortumik nalunaarut siulersuisut ukiup ingerlanerani ataatsimiittarnerani oqaluuserineqartartut aalajangiunneqartartullu malillugit agguataarlugu suliarineqarpoq.

Neriutigaarput ukiumoortumik nalunaarut nassitsiffitsinnit tamanit paasissutissanik pissarsif-fiujumaartoq.

Illoqarfinni peqatigiiffiit saniatigut ukununnga nassiunneqassaaq:

Peqqissaaviit, suliffeqarfiit suleqatigisagut, Peqqissutsimut Naalackersuisoqarfik, Kommunit, politikikkut partiit aammalu inuit ataasiakkaat suliniaqatigiiffitsinnik immikkut soqutiginnis-sinnaasut.

SIULERSUISUT

2016-imi oktober-ip 26-aniilli siulersuisut imatut inissititerput taasereernerup kingulliup kingorna, ukiorlu 2017 tamaat atallutik:

Siulittaasoq: Sara J. Brandt, Aasiaat

Siulittaasup tullia: Birte Nielsen, Nuuk

Aningaaserisoq: Kristine S. Gedionsen, Aasiaat

Oqaloqatiginnittartunut Siunnersorti: Frederikke Reimer, Ilulissat

Qeqqani Immikk. Siunnersorti: Johan Olsen, Aasiaat

Avannaani Immikk. Siunnersorti: Gustav B. Broberg, Qeqertarsuaq

Sinniisussaq siulleq: Lukas Stephensen, Nanortalik

Sinniisussap aappaa: Karl Nathansen, Paamiut



Siulersuisuunerit 6.maj 2017

Saamerlerniit: Karl Nathansen sinniisussap aappaa, Lukas Stephensen sinniisussaq siulleq, Birte Nielsen siulittaasup tullia, Sara J. Brandt siulittaasoq, Kristine Gedionsen aningaaserisoq, Johan Olsen Avannaani immikkoortortanut siunnersorti. Assimi ilaanngillat Gustav B. Broberg Kujataani immikkoortortanut siunnersorti, aamma Frederikke Reimer oqaloqatiginnittartunut siunnersorti Allat: Katersuiniarnermi suleqataasut.

Allaffimmi immikkut isumaqatigiissuteqarfigneqarluni sulisoq: Aviâja Lyngø

SIULERSUISUT ATAATSIMIINNERINI OQALUUSERISAT AALAJANGIUSSALLU

Siulersuisut ataatsimiittarneri qaammammut tamaasa (juli sulinngiffeqarfik minillugu) oqarasuaatikkut ingerlanneqartarput ukiumullu ataasiarlutik naapillutik ataatsimiittarlutik.

Ukioq 2017 maajimi naapinneq Nuummi pivoq, Nuna tamakkerlugu katersuiniarnerisuaq iluatsillugu.

Siulersuisut ataatsimiikkaangamik qaammatit tamaasa oqaluuserisassani ukua aalajangersimasumik eqqartortarpaat:

1. Oqaluuserisassat akuerineqarneri
2. Kingullermik ataatsimiinnermi imaqarniliap akuerineqarnera
3. Siulersuisuni kingullermik oqarasuaatikkut ataatsimiinnerup kingorna pisimasut
4. Aningaasaqarneq
5. Nuna tamakkerlugu katersuiniarneri (pilersaaruserisassat pineqaratalu kingorna)
6. Oqaloqatiginnittartut siunnersortaanniit
7. Immikkoortortaqaqfinnut Siunnersorti – Kujataani Siunnersortimiit
8. Immikkoortortaqaqfinnut Siunnersorti – Avannaani Siunnersortimiit
9. Tamalaat

Ingerlatsinermit tunngasunik qulakkiigassaqartillugu imaluunnit allanik eqqartugassaqartillugu taakku oqaluuserisassanut ilanngunneqartarput ataatsimiinnernilu eqqartorneqartarlutik.

Qaammatikkaartumik ilassutaasumik eqqartorneqarsimasut ukua taaneqarsinnaapput:

Januaari:

Nuna tamakkerlugu katersuiniarnissap toqqaannartumik aallakaatinneqarnissaa Katuamit ingerlanneqassasoq aalajangerneqarpoq.

Suliniaqatigiiffiup Neriuffiup Ikinngutaasa malittarisassai pisariaqartitsisunut nassiunneqassasut aalajangiunneqarpoq.

Allaffimmut husleje 500,- koruuninik qaffanneqarpoq.

Februaari:

Nittartakkap killiffia, nutarterneqarnissaa aalajangerneqarpoq.

17.02.17 Peqqissutsimut Naalakkersuisoq ataatsimeeqatigineqarpoq Livsrum pillugu. (Rehabilitering/Kræfteqartunut siunnersuisarfik) – eqqarsaatersuutaat pillugu saqqummiussilaarneq.

Agathe Fontain Peqqissutsimut Naalakkersuisoq qaaqusaavoq.

Neriuffik Paamiut siulersuisuniit immikkut ataatsimeeqatigineqarpoq.

Marts:

Napparsimasut naammagittaalliortarfimmut naammagittaalliorsinnaanerannik Neriuffimmiit qaammarsaasoqarnerusariaqarpoq.

Ukiuortoortumik nalunaarussiaq naammassineqarpoq.

Nuummi oqaloqatiginnittartup ataasiinnaanera naammaginngilaq. Annissuiffissaanik (supervision) pilersitsisoqassasoq siunnersuutigineqarpoq, aamma Nuuk illoqarfik annersaammat nakorsaqaarfissuullunilu Nuummi oqaloqatiginnittartut pikkorissariartussat ataasiinnaanani amerlanerulaartariaqartut siunniunneqarpoq.

Maajimi nuna tamakkerlugu katersuiniarneq iluatsillugu siulersuisut naapillutik ataatsimiipput:

Nalinginnaasumik oqaluuserisassat qulaani allattoreernikut aamma allat assigiinngitsorpassuit oqaluuserineqarput. Immikkut taaneqarsinnaapput;

Deloitte-kkunnut bærbar bilagillu Januarimiit – Dec-mut tunniunneqarput.

Uge 18-imi Nuuk Centerimi Neriuffik immikkut nerrivilerlutik peqataassaaq.

Kattuffiup aqqissuusaanikkut ilusaa eqqartorneqarpoq (Malittarisassat ataatsimoortut) Qulequtserlugit Kattuffik, Immikkoortortaqaarfiit, Neriuffiup Ikinngutai aammalu Neriuffiit Kattuffiata siunertaa suleriaaserlu.

Siunnersuisarfiliorniarnep ingerlasimaneranik nalunaarut qanorlu ingerlariartoqaqqinnissaanik isummerneq aalajangiinerlu.

Allaffimmi pigisat atorunnaakkat qanoq pineqarnissaanik aalajangiineq.

Aviisilortoqaqqittalernissaanut siunniussisoqarpoq. Atuagassiat quppersakkallu suut nutsertinneqarnissaannut isumasioqatigiittoqarpoq.

NUNA TAMAKKERLUGU KATERSUINIARNERSUAQ

Nuna tamakkerlugu katersuiniarnersuaq immikkoortortaqaarfinit ingerlanneqarpoq piffissami februaar-ip aallaqqaataaniit maajip 14-iata tungaanut. Kattuffimmillu toqqaannartumik KNR-TV-kkut aallakaatitsineq ingerlanneqarluni ulloq 6. Maj 2017.

Inuit ataasiakkaat suliffeqarfippassuillu aningaasanik tunissuteqarput.

Aamma immikkut taaneqarsinnaapput suliffeqarfiit inuillu ataasiakkaat makkuninnga tunissuteqarmata: Kanukoka-minngaanniit eqqumiitsuliarpasuit, qalipakkat assilissallu naqitikkat; iikkami assiliassaq timmissat meqquinik qiviulisanik meqqillu niaquisa amiinik sanaaq aammalu nannup amia, Albrecht Augustussenip Sisimiuneersup qajaarannguaq kusanaqisoq assiliassaq

tunissutigaa, El-Giganten-imiit errorsivik panersiivillu, Home Sweet Garant-imiit siniffik akikillingaatsiarlugu aammalu Nuuk Auto-ApS-miit biili nutaaq akikillingaatsiarlugu pisiarineqarluni.

Aningaasanik 10.000,- koruuniniit 50.000,- koruunit tungaanut immikkut tunisisuupput: Nuna Fonden, Polar Seafood, Royal Greenland, Nattorallit Nuuk ApS, A/S Inissiaatileqatigiiffik INI-p sulisui, Angunnguaq A/S, Grønlandsbanken, KNAPK, 60°North Greenland, Timimut Qaqortumiit, Peqatigiinniat, Hotel Arctic A/S, Permagreen A/S, Unik ApS-ilu.

Minnerunngitsumik Neriuffiit Peqatigiiffii amerlaqisunik katersillutillu tunissuteqarput, katinneri quppernerup tulliani takuneqarsinnaapput.

Assini tullinnguuttuni takuneqarsinnaapput KNR-TV aqputigalugu toqqaannartumik aallakaatitsinermiit assit tigullattaakkat.

Quppernerullu tulliani takuneqarsinnaallutik aningaasartuutit isertitallu qulequttakkuutaarlugit immikkortiterneqarneri, aningaasartuutillu ilanngaatereerlugit isertitat annertussusaat.

Simon Lyng erinarsortoq/nipilersortoq saniani oqalutsit Stine Berthelsen Sværd aamma Apollo Jeremiassen (assit KNR-ip toqqaannartumik aallakaatitaanit assilineqarput.)



Nina Kreutzmann Jørgensen erinarsortoq/nipilersortoq sanianilu asseq Siulittaasoq Sara J. Brandt apersorneqartoq, tunuanilu takuneqarsinnaapput oqarasuaatikkut tapiissutinik tunniussiniarlutik siarnгуттунut sullissisut (assit KNR-ip toqqaannartumik aallakaatitaanit assilineqarput.)



Nuna tamakkerlugu katersuiniarnersuaq	Aningaasartuutit	Isertitat
SMS-kkut TelePost aqutugalugu katersuineq		797.975,00
Immikkoortortaqaarfinniit nakkaatitsiviit atorlugit, bingortitsineq tuniniaanerit allallu		324.909,50
Suliffeqarfinniit inuinnarnillu tunissutit		564.841,50
Aaqqissuisunut aningaasartuutit Lyngø Olsen Group ApS	260.582,50	
Katuaq, inersuup atornera, sulisoqarneq, teknikkikkut atortorissaarutit, nerisassat, billetsit allallu	82.250,00	
Oqalutsinut aningaasartuutit	26.300,00	
Nipilersortartup unnuinera	2.502,50	
Nipilersortartup akissarsiai	5.000,00	
KNR-ikkut toqqaannartumik aallakaatitsinermut aningaasartuutit	50.025,00	
Biili eqqorniagassaq akikillingaatsiarlugu pisiaq	101.552,00	
Siniffik eqqorniagassaq akikillingaatsiarlugu pisiaq	1.121,03	
TelePosti aqutugalugu attaveqarnernut nassiussinernullu aningaasartuutit	6.285,90	
Katillugit	535.618,93	1.687.726,00
Isertitat aningaasartuutit ilanngaatigereerlugit		1.152.107,07

Tapersersuisorpasuarannut Neriuffiit Kattuffiat qujassuteqarpoq kræftimullu nappaatilinnut iluaqutaasunik suliniutinullu tulluuttunut isertitat atornerqarlutik.

DK-IMI KRÆFTENS BEKÆMPELSE-P ATAATSIMIINNERANI PEQATAANEQ



Kræftens Bekæmpelse

Siulittaasoq Sara J. Brandt pisarnertut ukiumoortumik aallartitat soqutigisaqaqatigiillu ataatsimeersuarnerannut (årlig repræsentantskabsmøde) maajimi DK-imi peqataajartorpoq. Peqataanermi malinnaaffigai nakorsat aallartitat oqaaseqarneri, ukiuni tulluuttuni suliniutissat taasissutigineqarlutillu akuerineqartut, aammalu ukiuni pujortarfiunngitsuni gruppemi peqataalluni. Suliniutissat taaneqarput Palliation/Lindrende behandling (anniaataavallaanngitsunik katsorsaaneq/nakorsartinneq), Røgfri fremtid (siunissaq pujortarfiunngitsoq), Landsindsamling (Nuna tamakkerlugu katersuiniarneq), naggataatigullu Mænd og Kræft (Angutit Kræftilu). Sara-p paasissutissat katersani siulersuisoqatiminut saqqummiuppai aamma Nunatsinni peqatigiiffinnut innersuussutigineqarsinnaaniassammata.

UKIUP SINNERANI ATAATSIMIINNERIT

Juuni:

Immikkut isumaqatigiissut naapertorlugu maajimi aallartilluni allaffimmi sulisuuvoq Aviâja Lyngø. Nammineq piumassutsikkut suliniaqatigiiffinni aningaasanik kaaviaartitsisuni kattuffinnilu sulisimanermik misilittagaqarpoq saniatigullu Oqartussaqaarfinni aqutsinikkut allaffissornermilu

inatsisilerinikkut ilinniagaqarlunilu misilittagaqarluni. Sulianut soqutigisanullu ingerlaavartunut Sara J. Brandt aamma Kristine Sandgreen Gedionsen attaveqaatigivai.

Aallartinnerani paasineqarpoq allaffissornermi aaqqissugassat naatsorsuutigisaminngaanniit annertunerungaatsiartut. Siulittaasorlu suleqatigilluinnarlugu attaveqarfigilluarlugulu suliaq annertooq aallartippoq.

Oqaloqatiginnittartut pikkorissarnissamut peqataasussat qulakkeerput pilersaarusiiallu naatsorsusiiallu aaqqissoqqereerlutik naammassineqarput.

Juuli siulersuisunit sulinngiffeqarfiuvoq allaffimmilu sulisup aaqqissuineq ingerlappaa sulinngiffeqarlunilu.

August:

Juulimi Aviisi Birte-minngaanniit suliarineqarnikuuvoq nassiussorneqarlunilu.

Greenet.gl atorunnaartussaamat allaffimmiup nutaamik mailitaarnissaq isumagissavaa.

Septemberimi ataatsimiittoqannigilaq angalasoqarnera pequtigalugu oktoberimili ataatsimiittoqarluni:

Neriuffiit Kattuffiat mailitaarpoq: neriuffik@gnet.gl

Kujataani Imikkoortortaqaqarfinnut siunnersorti angalavoq, sammisimasai takuneqarsinnaapput qulequttami: Pisimasut allat.

Nittartagaq Inu-IT-minngaanniit hosterneqalerpoq.

Julekortiliornissaq isumaqatigiissutigineqarpoq.

Psykoaterapeut Elisabeth P. Wille Neriuffimmut Nuummi akeqanngitsumik meeqqanik oqaloqatiginittartussanik pikkorissaasinnaanermik neqerooruteqarpoq. Isumaqatigiissutigineqarpoq pikkorissarnissap piviusunngornissaa siunertaralugu siulittaasup tulliata attaveqarfigissagaa.

December:

Julekortit nassiussorneqarput. Livsrums-imik pilersitsiniarnermut suliaq Real Daniamiit nangeqqinneqassappat Naalakkersuisoq Real Daniamut saaffiginninnissaanik qinnuigineqassaaq. Ataatsimeeqatiginerani taanna apuunneqassaaq.

Malittarisassanut allannguutissatut siunnersuutit 17. Januar 2018 allaffimmut nassiunneqariissapput, tullianilu ataatsimiinnermi oqaluuserineqarlutik.

PISIMASUT ALLAT

Ulloq 7. Juli 2018 Neriuffiit Kattuffiata Sanami K3-mut meeraaqqat atisai karsi ulikkaarlugu tunissutigai. Atisaaqqat kingullermik katersuiniarnermiit tunineqarsimanngitsut sinnerai.

Tunissuteqarneq pissakinnerusunut aamma sinerissamiit erniartortunut iluaqutissatut siunertaqarpoq. Assimi takuneqarsinnaapput samimmiit Birte Nielsen, Neriuffiit Kattuffiani siulittaasup tulliata, Sanamilu K3-mi niviarsissat marluk.





Oktoberimi kujataani immikkoortortaqarfinnut siunnersorti Gustav B. Broberg angalavoq, Narsaq, Paamiut aamma Qaqortoq tikillugit. Peqatigiiffinnik ingerlatsinerni unamminartuusinnaasut pillugit siunnersuiartorpoq, Neriuffiillu Ikinngutaanik aallartitsinnaanermut tunngasunik aamma siunnersuilluni.

Gustav-ip angalanini iluatsillugu aamma Ilinniarnertuunngorniarfik Campus Kujalliup aqqissugaanik Pujortartarneq pillugu sapaatip akunneqartitsineq, Qaqortumi ingerlanneqartoq workshop-ini peqataaffigaa. Apeqqarissaarfigineqarsimavoq paasissutissanillu tunniussuilluarsimalluni.

AVANNAANI OQALOQATIGINNITTARTUNIK PIKKORISSAANEQ

Oqaloqatiginnittarnermut pikkorissartitsineq Ilulissani ulluni 15-16-17 september 2017 ingerlanneqarpoq iluatsilluarlunilu. Oqaloqatiginnittartut pikkorissaasuvoq psykoterapeut Elisabeth P. Wille.

Peqataasut allagartartaartut ukuupput:

Qasigiannugit: Salomine Petersen, Uummannaq: Marianne Løvstrøm, Upernavik: Helene Kristiansen, Nuuk: Kristoffer Petersen, Nuuk: Kiistat Holm, Nuuk: Regine Ettrup, Nuummi allaffimmiit: Aviâja Lyngø, Qeqertarsuaq: Gustav B. Broberg, Ilulissat: Frederikke Reimer, Ilulissat: Magdaline Magnussen, Ilulissat: Kathrine Hansen, aammalu Aasiaat: Kristine S. Gedionsen.

Pikkorissarneq Tips & Lotto-mut qinnuteqaatigineqarpoq akuerineqarlunilu, aningaasartuutillu katinnerinit Neriuffiit Kattuffiata pisarnertut aningaasartuutit 25 %-iat nammineerluni akilerlugu. Hotel Hvide Falk-imi akikillisaaffigineqangaatsiartumik peqataasut illoqarfiit allaninngaanneersut unnuisarput, soorlu aamma Hotel Icefiord pikkorissarfinnik attartortitsisut nerisaqartitsillutillu akikilligaatsiarlugit. Oqaloqatiginnittartut pikkorissarsimasut ulloq manna tikillugu kræftimik nappaateqalersimasunut ilaqutaasunullu oqaloqatiginnittartut namminneq piumassusertik aallaavigalugu (tassa akissarsiaqaataanngitsumik) sullissisarput.

IMMIKKOORTORTAQARFIIT

2017-imi immikkoortortaqarfiit Neriuffiit Kattuffiannut ilaasortaasut ukuupput: Neriuffik Uummannaq, Neriuffik Upernavik, Neriuffik Qasigiannugit, Neriuffik Ilulissat, Neriuffik Qeqertarsuaq, Neriuffik Aasiaat, Neriuffik Kangaatsiaq, Neriuffik Sisimiut, Neriuffik Maniitsoq, Neriuffik Nuuk, Neriuffik Paamiut, Neriuffik Qaqortoq, Neriuffik Narsaq aamma Neriuffik Nanortalik. Aamma Neriuffiit Peqatigiiffiisa ataanni Neriuffiit Ikinngutaanik arlariinnik suliniaqatigiiffeqarpoq siulersuisoqarlutik ingerlasunik.

Assersuutigalugu Sisimiuni Neriuffiup Ikinngutai, Sisimiuni Neriuffimmut tapersersuisuupput. Neriuffiit Ikinngutai immikkut ilaasortaqaangillat, taamaallaat Neriuffimmut ilaasortaanissaq piumasaqaataammat. Neriuffiit Ikinngutaannut aningaasatigut ikiorsiiffigitinniarluni qinnuteqartoqassaguni Neriuffimmut ukiup affaa ilaasortaareersimanissaq piumasaqaataavoq naammallunilu.

GRØNLANDSBANKIMIT JUULLIMI TAPIISSUT

Decembarip 13.-ani Grønlandsbankiminngaanniit Neriuffiit Kattuffiannut juullimut tapiissutit 25.000,- koruunit tunniunneqarput. Tamanna Neriuffiit Kattuffiata siulersuisuisa nuannaarutigeqaat. Assip ataani atuarneqarsinnaavoq Grønlandsbankip nittartagaaninngaanniit tigusaq, tunniussinissamut toqqaaneq qanoq ingerlasimanersoq aammalu Neriuffiup siulittaasuata Sara J. Brandtip oqaaseqatai:



“Sullissatta toqqarpaat Neriuffiit Kattuffiat

Grønlandsbanken siullermeersumik sullissani aalajangiisussanngortippai, ukioq manna juullimut tunniuttagaq kimut/kikkunnut tunniunneqassanersoq. Ukioq mannalu juullimut tunniuttagaq Neriuffiit Kattuffiannut tunniunneqartussanngorpoq. Aningaasat tunniunneqartussat inuit akornanni attaveqaatit aqutigalugit, matumani aningaaseriviup Facebook-iatigut, suliniaqatigiiffiit pingasut aningaaserivimmi sulisunit piukkunneqarsimasut akornanni, taasisitsinikkut ingerlanneqarsimavoq. Tamatumani inuit 1.110-t taasillutik peqataasimapput.

Assilisami takuneqarsinnaavoq aningaaseriviup tunniussisussatut aallartitaa, aningaaserinermik ilinniartoq Kristine Thomsen Heiselberg, aningaaseriviup maskotia APPA peqatigalugu, juullimut tunniuttakkamik Aviâja Lyngemut Neriuffiit Kattuffiat sinnerlugu tiguisussamut tunniussisoq.

Neriuffiit Kattuffianni siulittaasup, Sara J. Brandt-ip oqaatigai:

- ‘Nuannaarutigaarput Grønlandsbanken-ip juullimut tunniuttagai 25.000 kr.-t uatsinnut tunniunneqarmata. Aningaasammi atorfissaqarteqaagut, suliniaqqinnissatsinnummi atorneqassagamik. Neriuffiit Kattuffiammi assersuutigalugu nappaassuarmik Kræftimik eqqorneqarsimasunut aningaasanik tunniussaqaartarpoq, tamannalu Neriuffiit Kattuffiannit pingaarteqaarput, aammalu saniatigut pingaartillugit suliarisarpagut kalaallisut naqitanngorlugit paasissutissiissusiat, ingerlaavartumik kræftimik napparsimasunut ilaqutaannullu oqaloqatiginnittartunut siunnersuisartussanillu pikkorissaasarnerit il.il.’

Pingaartuuvoq siammasissumik tapersersorneqarluni ikorfartorneqarnissaq


Sara J. Brandtip nuannaarutigaa, juullimut tunniuttakkanik tuniussinissami innuttaasut peqataajumasut aalajangiisuusimmamata.

- Inuimmi 1.000-it sinnerlugit Grønlandsbanken-ip Facebookiatigut taasisimanerat uatsinnut suli naleqartitsinerulerpoq. Aningaasammi qujanaqaat, kisiannili suliniaqatigiiffittut ingerlanitsinni nuannerpoq takullugulu misigisinnaagatsigu, inuttaaqatitta akornanni siammasissumik tapersersorneqarnerput, tamannami Neriuffiit Kattuffiannut pingaartorujussuuvoq, Sara J. Brandt oqarpoq.

Ukiut tamaasa nunatsinni ikinnerpaamik inuit 190-it nappaassuarmik Kræftimik eqqorneqartarput, Sara J. Brandt erseqqissaateqarpoq.

Grønlandsbanken-ip siunertanut pitsaasunut Juullimut tunniuttagaa ukioq maanna ukiut tullerit arfinilissaat tunniunneqarpoq. Siornalu aningaasat meeqqat piginnaatitaaffii pillugit suliniaqatigiiffimmut MIO-mut tunniunneqarput. GrønlandsBANKEN-ip Neriuffiit Kattuffiat juullimut tunniuttakkamik tunineqarneranik pilluaqqungaarpaa.”

UKIOQ 2017-MI TAPISSUTIT LEGATIT TUNNIUNNEQARASIMASUT NAAPER-TORLUGIT KRÆFTIMUT NAPPAATIT SUUSSUSAANIK AMERLASSUSAANNILLU ALLATTORSIMAFFIK



ALLAFFEQARFIMMI SULIAT

Neriuffiit Kattuffianni allaffik inummik ataatsimik sulisoqarpoq. Allaffissornermut tunngasut suliarisarpai, soorlu makku akisussaaffittut taaneqarsinnaapput:

- Qaammatit tamaasa siulersuisut oqarasuaatikkut ataatsimiinnissaat allaffimmiumit allaffissornikkut aaqqissorneqartarpoq, ataatsimiinnerillu oqaluuserisassartai imaqrniliaalu siulittaasoq suleqatiga-lugu suliarisarlugit.
- Siulersuisut aalajangigaat naapertorlugit suliassat nikerartut suliarisarpai, soorlu immikkoortortanut paasissutissiinerit, allagaqartarnerit allallu.
- Oqaloqatiginnittartunik pikkorissaasoqassappat, siunnersuisartunik angalatitsisoqassappat, siulersuisut naapillutik ataatsimiissappata, angalanissamut aqutissat, akunnittarfinni najugaqarfissanik neqeroorutunik ujartuinerit, angalanissamut aningaasartuutissanik siumoortumik naatsorsuusiorderit, aningaasaliisussanik ujartuinerit qinnuteqartarnerillu akuerisaasimappatalu naatsorsuusiorderi angalanerillu siunertai naapertorlugit ataqaatigiissarisuulluni attaveqaataasarluni.
- Ulluinnarni allaffeqarfimmi kræftimut napparsimalersimasut qinnuteqaatai nalilersorneqartarput suliarineqarlutillu. Tassanngaanniit napparsimasut allakkatigut akissuteqarfigineqartarput qinnuteqaataat akuerineqarsimanersoq imaluunniit itigartitsissutigineqarsimanersoq. Akissummut ilanngullugu nappaammut eqqugaasup nappaataanut tunngasumik quppersakkamik namminerisaminik oqaasii malillugit, tassa kalaallisut imaluunniit qallunaatut, nassinneqartarpoq.
- Saaffiginnittoqartillugu inuttut imaluunniit allakkatigut oqarasuaatikkulluunniit, napparsimalersimasoq ilaqutaasoq qanigisaasorluunniit siunnersorneqartarpoq Neriuffiit Kattuffiata periarfissai naapertorlugit aammalu innersuunneqartarluni Neriuffik peqatigiiffimmut illoqarfianiittumut imaluunniit Neriuffiit Ikinngutaannut illoqarfianut/nunaqarfianut atasuusumut, taakkualu saaffigineqaraangamik neqeroorutitik assigiinngitsut namminneerlutik paasissutissiissutigisarpaat, neqeroorutigalugillu.
- Allaffissornermi akiligassat, soorlu allaffimmik attartornermut piunassuseq atorlugu suliniaqatigiit (NGO-t) allaffeqarfiani ataatsimut aningaasartuutit, allaffissornermut atortut, qarasaasiat, oqarasuaatikkut attaveqaatit, akissarsiassat aningaasartuutillu allat, soorlu katersuiniarnermut tunngassuteqartut akilersorneqarneri, naatsorsorneqarneri, nalunaarsorneqarneri aammalu naatsorsuusiorderi allaffimmiumit isumagineqartarput.
- Saniatigut allakkerinerit, pigisanik uninngatitanik tuniniagassanik nalunaarsuinerit kisitsisarnerillu, ukiumoortumik nalunaarusiorneq, ukiumoortumik naatsorsuusiorderneq, suliffeqarfinnut, pisortaqarfinnut peqqinnissaqarfinnullu Neriuffiit Kattuffiannut soqutigisaqartunut suleqatiginnittunullu ulluinnarni attaveqaataasuulluni.
- Minnerunngitsumik Neriuffiit peqatigiiffii aamma Neriuffiit Ikinngutai ulluinnarni sullitarisarpai, soorlu arlaannik allaffimminngaanniit tuniniagassanik piniarnerit, nassiussuinerillu. Siunnersuisartunut attaveqarnissaminnik kissaateqartarsinnaapput, maleruagassanik ujartuisinnaapput, ulluinnarnilu assigiinngittunik napparsimasunik sullissinerminni siunnersorneqarnissaminnik ujartuisarlutik.
- Immikkoortortaqrifiit ukiumoortumik naatsorsuutaat, ilaasortaanermullu akiliutaat allaffimmiumit misissuataarneqartarput nalunaarsorneqartarlutillu, saniatigullu aamma katersuiniarneruarni tunniussimasaat nalunaarsorneqartarlutik.

2016-imut 2017-imullu aqqissuinerit

Allaffeqarfimmi sulianik torersaaneq sukangasuumik misissuinikkut pivoq, naatsorsuutillu taamattaq misissuataarluarneqarlutik, kontomiit kontomut nuussuinerit/inissitsiterinerit eqqortut, legat-inik tunniussanik naatsorsueqqissaarneq, Akileraartarnermut Aqutsisoqarfimmut akileraarutitigut akiliutit nalunaarsorneqarsimasut aqqissuunnerisigut, akissarsiat nalunaarsornerisigut, A-skat-imut aammalu AMA-mut akiliutit, kiisalu pensionimut nakkaatit aqqissuunneri, pappiaqqat uppernarsaatit atugassat ujarlugit nassaariortorneri, ulluinnarni allaffiup ingerlanneqarneranut tunngasut taavalu aamma katersuiniarnermi naatsorsuutit politiinut nassiussassat ataasiakkaarlugit suliarlugit, Tips- aamma Lottomit aningaasatigut tapiissutit qinnutigineqarsimasut aamma Nuna Fondimut qinnuteqaatit immikkut naatsorsuusiortorlugit uppernarsaataat nassaariortorlugit il. il.

Eqikkaaneq:

Ukioq 2017 allaffimmiup naatsorsuutininik torersaanageranik kukkunersiusut suleqatigalugit annertuumik imaqarsimavoq. Taamaattumik piffissarujussuaq siornatigut pisimasunik kingumut aqqissuinnerinik pisoqarfiusimavoq. Aamma suleriaatsit pisariillisarneqarnerannut piffissaq atorneqarluni.

Siulersuisut atuuffimmini pisut ukkatarisimavaat, tassa 2016-imiit siumut, naatsorsuutigalugulu suleriaatsit pisariillisarneqarnerisa, torersaareernerup kingornatigut atuutilerpata, allaffissornermi ingerlatsineq pisariinnerulissasoq.

Siulersuisut iluminni ukiup ingerlanerani suleqatigiilluarsimapput. Ajoraluartumik nappaassuarmik kræftimik napparsimalersartut ukiumiit ukiumut Nunatsinni amerliartorput. Neriuffimmiit pingaartorujussuartut isigaarput avatangiisitsinnit tamatuma nappaassuarmillu eqqorneqarnermi napparsimanerullu nalaani ikiorneqarnerup qanoq pingaaruteqartigenerata paasineqarnissaa.

Taamaattumik suliniaqatigiiffitsinni, nammineq piumassutsimik akissarsiaqarani suliffiusumi, pingaaruteqaqaaq, inuit ataasiakkaat akornaniinnaanngitsoq, aamma politikerit akornanni paasinninnerunissaq iliuuseqarnissamullu piumassuseqarnissaaq, napparsimasut sutigut tamatigut, aamma suliaritereernerup kingorna kingunerlutsitsivallaanngitsumik, pitsaanerusumik atugaqalernissaannik anguniagarput piviusunngussappat.

Kræfteqartunut qitiusumik siunnersuisarfiliornissaaq, Danmarkimi Livsrum-minut assingusumik, Neriuffiup kissaatigisaasa anguniagaasalu annerit ilagaat.

Una nalunaarut aqutigalugu inuppassuarnut piumassutsiminnik sulisunut tamanut, suliffeqarfippassuarnut firmanullu, namminersortunit Pisortanillu ingerlanneqartunut ukiup ingerlanerani tapersiisartunut tamanut annertuumik qujassuteqarusuppugut.